

# 2025



## ՀԱՇՎԵՏՎՈՒԹՅՈՒՆ


ՀՀ ԳԼԽԱՎՈՐ ԴԱՏԱԽԱՋՈՒԹՅԱՆ ԱՊՕՐԻՆԻ ԾԱԳՈՄ ՈՒՆԵՅՈՂ  
ԳՈՒՅՔԻ ԲՈՆԱԳԱՆՁՄԱՆ ԳՈՐԾԵՐՈՎ  
ՎԱՐՉՈՒԹՅԱՆ ԱՇԽԱՏԱՆՔԻ ՎԵՐԱԲԵՐՅԱԼ






◆ Գլխավոր դատախազության ապօրինի ծագում ունեցող գույքի բռնագանձման վարչությունում (այսուհետև նաև՝ Վարչություն) 2025 թվականի ընթացքում՝

- ▶ մինչդատական քրեական վարույթի օրինականության նկատմամբ հսկողություն իրականացնող դատախազների կողմից ստացվել են 146 զեկուցագրեր (2024 թվականին՝ 121)՝ 180 անձի վերաբերյալ (2024 թվականին՝ 201):




- ▶ օպերատիվ-հետախուզական գործունեություն իրականացնող մարմիններից Վարչությունում ստացվել է 22 տեղեկանք (2024 թվականին՝ 16)՝ 22 անձի վերաբերյալ (2024 թվականին՝ 16): Ներկայացված տեղեկանքներից 16-ը ստացվել է Ազգային անվտանգության ծառայությունից, 4-ը՝ Ներքին գործերի նախարարությունից, 2-ը՝ Հակակոռուպցիոն կոմիտեից:



Հաշվետու տարում ներկայացված նյութերով ուսումնասիրություն սկսելու հիմքերի ստուգման արդյունքներով կայացվել է 157 ուսումնասիրություն սկսելու մասին որոշում (2024 թվականին՝ 163):

Ուսումնասիրություն սկսելու մասին 157 որոշումներից 132-ը կայացվել են դատախազների զեկուցագրերի հիման վրա (3 զեկուցագիր փոխանցված է եղել 2024 թվականից), 19-ը՝ օպերատիվ-հետախուզական միջոցառումներ իրականացնող մարմնի կողմից տրամադրված նյութերի հիման վրա, իսկ 6-ը՝ (2024 թվականին՝ 7) Վարչության դատախազների կողմից սկսված ուսումնասիրության ընթացքում հայտնաբերված տվյալների հիման վրա:





Ուսումնասիրությունն սկսելու հիմքերի ստուգման արդյունքում 48 նյութով 49 անձի վերաբերյալ (2024 թվականին՝ 45 նյութերով 54 անձի վերաբերյալ) որոշում է կայացվել ուսումնասիրություն չնախաձեռնելու մասին: Նշված որոշումներից 45-ը՝ 46 անձի վերաբերյալ կայացվել է դատախազների գեկուցագրերի հիման վրա, իսկ 2-ը՝ 2 անձի վերաբերյալ՝ օպերատիվ-հետախուզական միջոցառումներ իրականացնող մարմնի կողմից տրամադրված նյութերի հիման վրա: Բացի այդ, 1 որոշում 1 անձի վերաբերյալ կայացվել է 2024 թվականից ստացված դատախազի գեկուցագրի հիման վրա: Ուսումնասիրություն չնախաձեռնելու մասին 48 որոշումներից՝

- ▶ 37-ով (2024 թվականին՝ 35-ով) ուսումնասիրություն չնախաձեռնելու հիմք է հանդիսացել այն, որ բացակայել են «Ապօրինի ծագում ունեցող գույքի բռնագանձման մասին» օրենքի (այսուհետև՝ Օրենք) 24-րդ հոդվածի 1-ին մասով նախատեսված՝ 50.000.000 դրամը գերազանցող ապօրինի ծագման գույքի վերաբերյալ տվյալներ,
- ▶ 2-ով (2024 թվականին՝ 8-ով) ուսումնասիրություն չնախաձեռնելու հիմք է հանդիսացել նախաձեռնված քրեական վարույթներով անձանց նկատմամբ Օրենքի 3-րդ հոդվածի 1-ին մասի 4-րդ կետով չնախատեսված հանցանքներից որևէ մեկի կատարման համար քրեական հետապնդում հարուցված լինելը,

- ▶ 4-ով (2024 թվականին՝ 2-ով) ուսումնասիրություն չնախաձեռնելու հիմք է հանդիսացել այն, որ տվյալները վերաբերել են Օրենքի 3-րդ հոդվածի 1-ին մասի 11-րդ կետի իմաստով պաշտոնատար անձ չհանդիսացողի,
- ▶ 1-ով ուսումնասիրություն չի նախաձեռնվել, քանի որ խախտվել է Օրենքի 4-րդ հոդվածի 1-ին մասով սահմանված ժամկետը,
- ▶ 3-ով ուսումնասիրություն չնախաձեռնելու հիմք է հանդիսացել այն, որ բացակայում է հանցանքի կատարման՝ Օրենքում նախատեսված եղանակը,
- ▶ 1-ով առկա է եղել Օրենքի 6-րդ հոդվածի 2-րդ մասով նախատեսված արգելքը, մասնավորապես՝ նախորդիվ առկա է եղել ուսումնասիրություն, իսկ նոր ստացված նյութի հիմքերը չեն տարբերվել:

2025 թվականին 48 (2024 թվականին՝ 59) ուսումնասիրության շրջանակում Զակակոռուպցիոն դատարան (այսուհետև՝ Դատարան) է ներկայացվել հայցի նախնական ապահովման միջոցներ կիրառելու վերաբերյալ 60 (2024 թվականին՝ 79) դիմում, որոնցից 47-ն ամբողջությամբ բավարարվել է, 5-ով Դատարանն ամբողջությամբ մերժել է դիմումը, իսկ 8-ով բավարարել է մասնակի:



Հակակոռուպցիոն դատարանի կողմից հայցի նախնական ապահովման միջոցներ կիրառելու վերաբերյալ դիմումն ամբողջությամբ մերժելու մասին 3 որոշումների դեմ ներկայացվել է վերաքննիչ բողոք: Ներկայացված 3 բողոքները մերժվել են Վերաքննիչ դատարանի կողմից: Դիմումը մասնակի բավարարելու մասին որոշումներից 4-ով ներկայացվել է վերաքննիչ բողոք, որից 2-ով Վերաքննիչ հակակոռուպցիոն դատարանը որոշում է կայացրել բողոքն ամբողջությամբ բավարարելու մասին, իսկ մյուս 2 բողոքները մերժվել են:

Հաշվետու ժամանակահատվածում 44 ուսումնասիրության շրջանակում (2024 թվականին՝ 47) կազմվել է ուսումնասիրության արդյունքների վերջնական ամփոփման վերաբերյալ 44 եզրակացություն, որից 2-ով (2024 թվականին՝ 3) որոշում է կայացվել ավարտել ապօրինի ծագում ունեցող գույքի բռնագանձման վարույթով ուսումնասիրությունը, իսկ 42-ով (2024 թվականին՝ 44) Հակակոռուպցիոն դատարան ներկայացվել են հայցեր, որոնք ընդունվել են վարույթ:

Ներկայացված հայցադիմումներից 38-ը քննվում են Դատարանում: Հաշվետու տարում ներկայացված հայցադիմումներից 4-ով դատախազը հրաժարվել է հայցից՝ հաշվի առնելով Սահմանադրական դատարանի՝ 2025 թվականի ապրիլի 16-ի ՍԴՈ-1776 որոշմամբ արտահայտված դիրքորոշումները:

**2025 թվականին Դատարան ներկայացված և քննվող 38 հայցադիմումներով ընդհանուր պահանջվում է հոգուտ Հայաստանի Հանրապետության բռնագանձել՝**

- 230 անշարժ գույք,
- 68 շարժական գույք,
- 76 իրավաբանական անձանցում մասնակցություն:

**Դրամական պահանջն այդ հայցերով կազմում է 31 միլիարդ 540 միլիոն 434 հազար դրամ, իսկ ընդհանուր հայցագինը՝ 35 միլիարդ 993 միլիոն 262 հազար դրամ:**

Հաշվետու տարում Հակակոռուպցիոն դատարան, ի թիվս այլնի, ներկայացվել են հետևյալ հայցերը՝

1. 2025 թվականի օգոստոսի 15-ին Դատարան է ներկայացվել ապօրինի ծագում ունեցող գույքի բռնագանձման վերաբերյալ հայցադիմում, որով պահանջ է ներկայացվել ՀՀ Նախագահի աշխատակազմի նախկին ղեկավար, Ազգային անվտանգության խորհրդի նախկին քարտուղար, ՀՀ նախկին փոխվարչապետ, ՀՀ տարածքային կառավարման նախկին նախարար, ՀՀ Ազգային ժողովի պատգամավոր Արմեն Անդրանիկի Գևորգյանից և նրան փոխկապակցված անձանցից հոգուտ Հայաստանի Հանրապետության բռնագանձել՝



- ▶ 14 անշարժ գույք,
- ▶ 2 տրանսպորտային միջոց,
- ▶ 2 իրավաբանական անձում մասնակցություն,
- ▶ 1.085.099.435 դրամի փոխառության պահանջի իրավունք,
- ▶ 1100 հատ արժեթուղթ,
- ▶ 18.000 հատ բաժնետոմս,
- ▶ 1.522.267.485 դրամ՝ որպես ապօրինի եկամտի մնացորդ և օրինական եկամուտներով չհիմնավորվող՝ բարեխիղճ երրորդ անձանց փոխանցված դրամական միջոցների հանրագումար:

**2.** 2025 թվականի հունիսի 10-ին Դատարան է ներկայացվել ապօրինի ծագում ունեցող գույքի բռնագանձման վերաբերյալ հայցադիմում, որով պահանջվել է ՀՀ ոստիկանապետի նախկին առաջին տեղակալ, ՀՀ Սյունիքի նախկին մարզպետ Հունան Հրաչի Պողոսյանից և նրան փոխկապակցված անձանցից հոգուտ Հայաստանի Հանրապետության բռնագանձել՝

- 3 անշարժ գույք,
- 1 տրանսպորտային միջոց,
- 764.569.711 դրամ՝ որպես ապօրինի եկամտի մնացորդ և օրինական եկամուտներով չհիմնավորվող՝ բարեխիղճ երրորդ անձանց փոխանցված դրամական միջոցների հանրագումար:

**3.** 2025 թվականի մարտի 21-ին Դատարան է ներկայացվել ապօրինի ծագում ունեցող գույքի բռնագանձման վերաբերյալ հայցադիմում, որով պահանջվել է ՀՀ Ազգային ժողովի նախկին պատգամավոր

Արայիկ Թեմուրի Գրիգորյանից և վերջինիս հետ փոխկապակցված անձից՝ որդուց, հոգուտ Հայաստանի Հանրապետության բռնագանձել՝

- ▶ 7 անշարժ գույք,
- ▶ 1 իրավաբանական անձում մասնակցություն,
- ▶ 5.814.398.309 դրամ՝ որպես ապօրինի եկամտի մնացորդ և օրինական եկամուտներով չհիմնավորվող՝ բարեխիղճ երրորդ անձանց փոխանցված դրամական միջոցների հանրագումար:

**4.** 2025 թվականի մարտի 25-ին Դատարան է ներկայացվել ապօրինի ծագում ունեցող գույքի բռնագանձման վերաբերյալ հայցադիմում, որով պահանջվել է Երևանի Շահումյանի շրջանի (հետագայում՝ Մալաթիա-Սեբաստիա համայնքի) դատախազության նախկին ստաժոր-քննիչ, «Դերժավա-Ս» և «Սլավ Գրուպ» ընկերությունների նախկին նախագահ, Աժ նախկին պատգամավոր Արկադի Ստանիսլավի Համբարձումյանից և վերջինիս հետ փոխկապակցված անձանցից հոգուտ Հայաստանի Հանրապետության բռնագանձել՝

- ▶ 8 անշարժ գույք,
- ▶ 5 տրանսպորտային միջոց,
- ▶ 10 իրավաբանական անձում մասնակցություն,
- ▶ 1.759.513.933 դրամի փոխառության պահանջի իրավունք,



- 6.805.162.751 դրամ՝ որպես ապօրինի եկամտի մնացորդ և օրինական եկամուտներով չհիմնավորվող՝ բարեխիղճ երրորդ անձանց փոխանցված դրամական միջոցների հանրագումար:

**5.** 2025 թվականի հունիսի 11-ին Դատարան է ներկայացվել ապօրինի ծագում ունեցող գույքի բռնագանձման վերաբերյալ հայցադիմում, որով պահանջվել է ՀՀ կառավարությանն առընթեր քաղաքացիական ավիացիայի նախկին գլխավոր վարչության պետ Արտյոմ Մովսեսյանից և վերջինիս փոխկապակցված անձանցից հօգուտ Հայաստանի Հանրապետության բռնագանձել՝

- ▶ 8 անշարժ գույք,
- ▶ 4 տրանսպորտային միջոց,
- ▶ 5 իրավաբանական անձում մասնակցություն,
- ▶ 1.663.892.363 դրամի փոխառության պահանջի իրավունք,
- ▶ 580.032.536 դրամ՝ որպես ապօրինի եկամտի մնացորդ և օրինական եկամուտներով չհիմնավորվող՝ բարեխիղճ երրորդ անձանց փոխանցված դրամական միջոցների հանրագումար:

**6.** 2025 թվականի հունիսի 27-ին Դատարան է ներկայացվել ապօրինի ծագում ունեցող գույքի բռնագանձման վերաբերյալ հայցադիմում, որով պահանջվել է Սիսիանի նախկին քաղաքապետ, ԱԺ պատգամավոր Արթուր Լավրենտի Սարգսյանից և նրան փոխկապակցված անձանցից հօգուտ

Հայաստանի Հանրապետության բռնագանձել՝

- ▶ 2 անշարժ գույք Երևան քաղաքի Կենտրոն վարչական շրջանում, 2 անշարժ գույք Սիսիան քաղաքում,
- ▶ 3 ավտոմեքենա,
- ▶ 6 իրավաբանական անձում մասնակցություն,
- ▶ Առևտրային բանկերում ներդրված 5 ավանդ՝ 11.865 ԱՄՆ դոլարի և 1.104.900 դրամի չափով,
- ▶ 1 փոխառության պահանջի իրավունք՝ 1.400.000 դրամի չափով,
- ▶ 1.053.195.804 դրամ՝ որպես ապօրինի եկամտի մնացորդ և օրինական եկամուտներով չհիմնավորվող՝ բարեխիղճ երրորդ անձանց փոխանցված դրամական միջոցների հանրագումար:

Հաշվետու տարում դատարանների կողմից հայցադիմումների քննության արդյունքում կայացվել է 7 վճիռ, որոնցից 2-ը բավարարվել են մասնակի, 5-ը՝ մերժվել:

**Հաշվետու տարում դատարանի կողմից մասնակի բավարարվել են հետևյալ հայցերը՝**

- ▶ Հակակոռուպցիոն դատարանը մասնակի բավարարել է ՀՀ արդարադատության նախարարության քրեակատարողական ծառայությունում, ՀՀ ոստիկանությունում և ՀՀ ազգային անվտանգության ծառայությունում տարբեր պաշտոններ զբաղեցրած



Սերոբ Հարությունյանի և վերջինիս փոխկապակցված անձանց վերաբերյալ Վարչության պահանջը: Նշված ակտով հոգուտ Հայաստանի Հանրապետության ենթակա է բռնազանձման 4 անշարժ գույք, որից 3-ը գտնվում են Կենտրոն վարչական շրջանում: Նշենք, որ գույքերի շուկայական արժեքը կազմում է Ե ավելի քան 324 միլիոն 600 հազար դրամ: Վճռով բավարարվել է նաև Վարչության կողմից ներկայացված դրամական պահանջը. այն կազմում է 207 միլիոն 452 հազար դրամ:

- ▶ Հակակոռուպցիոն դատարանը մասնակի բավարարել է ՀՀ Ազգային ժողովի նախկին պատգամավոր Մանվել Գրիգորյանի ժառանգների և նրան փոխկապակցված անձանց վերաբերյալ՝ Վարչության պահանջը: Նշված ակտով Դատարանը որոշել է հոգուտ Հայաստանի Հանրապետության բռնազանձել 9 անշարժ և 6 շարժական գույք, որոնց շուկայական արժեքը կազմում է 876 միլիոն 600 հազար դրամ, ինչպես նաև մեկ իրավաբանական անձում մասնակցություն, մասնավորապես՝ «ԷՄ-ԷՆ-ԺԻ» ՍՊԸ-ի 15.9456% բաժնեմասը: Կայացված դատական ակտով բավարարված ավանդի, փոխառության պահանջի իրավունքի և դրամական պահանջի հանրագումարը կազմում է 340.623.000 դրամ:

2025 թվականին ապօրինի ծագում ունեցող գույքի բռնազանձման վարույթի շրջանակում կնքվել է մեկ հաշտության համաձայնություն, որի արդյունքում՝ որպես ապօրինի ծագում ունեցող գույք Հայաստանի Հանրապետության օգտին բռնազանձման է ենթակա 87.622.000 դրամ, որից 2025 թվականի դեկտեմբերի 31-ի դրությամբ բռնազանձվել է 65.675.850 դրամը:

2025 թվականին օրինական ուժի մեջ է մտել ապօրինի ծագում ունեցող գույքի բռնազանձման գործով առաջին վճիռը: Վճռի հիման վրա՝ ՀՀ սեփականության իրավունքն է գրանցվել Երևան քաղաքի Վարդանանց փողոցում գտնվող 1 բնակարանի և Կոտայքի մարզի Առինջ համայնքում գտնվող 1 բնակելի տան նկատմամբ, որոնց ընդհանուր միջին շուկայական արժեքը կազմում է 300 միլիոն 650 հազար դրամ (շուրջ 750 հազար ԱՄՆ դոլար): Բացի այդ, Վերականգնված միջոցների միասնական հաշվին փոխանցվել է 50 հազար եվրոյին համարժեք 20 միլիոն 634 հազար դրամ և 878 հազար դրամ:

Ամփոփելով նշենք, որ 2025 թվականի դեկտեմբերի 31-ի դրությամբ դատարաններում քննվող հայցերի թիվը 155 է, որոնց ընդհանուր հայցագինը կազմում է 595 միլիարդ 817 միլիոն դրամ: Այդ հայցերով Դատախազությունը պահանջում է հոգուտ Հայաստանի Հանրապետության բռնազանձել՝



- ▶ 324 շարժական գույք,
- ▶ 1463 անշարժ գույք,
- ▶ 440 իրավաբանական անձանցում մասնակցություն,
- ▶ 518 միլիարդ 428 միլիոն դրամ (այս թիվն ունի աճման միտում պայմանավորված նրանով, որ ոչ բոլոր գույքերի շուկայական արժեքն է պարզված, պարզված չեն նաև իրավաբանական անձում մասնակցությունների արժեքները):

Վարչությունն իր ձևավորման օրվանից մինչև 2025 թվականի դեկտեմբերի 31-ը կնքել է հաշտության 9 համաձայնություն: Հաշտության համաձայնությունների հիման վրա՝ հոգուտ Հայաստանի Հանրապետության բռնազանձվել է 7 անշարժ գույք, 2 շարժական գույք և դրամական միջոց, որոնց հանրագումարը կազմում է 5 միլիարդ 126 միլիոն դրամ:

2025 թվականի ընթացքում միջազգային իրավական ակտերի հիման վրա Վարչության կողմից ուղարկվել է 6 պաշտոնական միջազգային հարցում (2024 թվականին՝ 17), որոնցից՝ 3 ԱՄԷ իրավասու մարմիններին, 1-ը՝ Ֆրանսիայի իրավասու մարմիններին, 1-ական՝ Վրաստանի և Նիդերլանդների Թագավորության իրավասու մարմիններին: